



Universitätsbibliothek Paderborn

**Novæ Observationes Et Additiones Ad A. R. P. D.
Bartholomæi Gavanti Congreg. Cleric. Regul. S. Pauli ac
Sac. Rit. Congregat. Consultoris Commentaria In Rubricas
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad
præsens emanatis

Complectens I. & II. Partem Commentariorum Gavanti in Rubricas Missalis
- Cum Præfatione seu Præmonitione necessaria Bibliopolæ ad Lectorem

Merati, Gaetano Maria

Augustæ Vindelicorum, 1740

VD18 10783695-002

De Orationibus. IX.

urn:nbn:de:hbz:466:1-40113

tato tradit: sed, ut mox diximus, tempore Telephori verba tantum Evangelica in us
erant: Constitutum vero Symmachi ad to
tum præsumptum Hymnum extenditur; quia,
ut superius ostendimus, jam antea compo
sus erat: quapropter rejiciendi sunt illi,
qui talem Hymnum Symmachus adscribunt.
Observandum tamen est, quod si Constitu
tum Symmachi ad omnes Presbyteros ex
tendatur, dicendum est, S. Gregorium il
lud restrinxisse ad solos Episcopos: Missa
enim Ordinem in libro Sacramentorum de
scribens, ait: Item dicitur Gloria in excelsis
Deo, si Episcopus fuerit, tantummodo die Do
minico, sive diebus Festis; à Presbytero autem
minime dicitur, nisi in solo Pascha: quando
vero Litania agitur, neque Gloria in excelsis
Deo, neque Alleluja canitur.

X. Gavant. pag. 18. col. 1. ead. lit. u

Quando in Officio dicitur Te Deum, &c.) Is
teligitur haec regula, quando Missa dicitur
correspondens Officio, in quo dicitur Te
Deum: alijs, si diceretur Missa Conven
tis talis diei v.g. in Vigilia Assumptionis, i
qua Missa conveniens tasi diei est de V. gili
non vero de die infra Octavam S. Laurentii
tunc in illa Missa Vigilie non est dicendum
Gloria: quinimò si illa die diceretur Mi
ssa de S. Laurentio, licet correspondet Offi
cio, abduc non dicitur Gloria: qui
tali casu Missa esset in gradu Missa Votiva
ut diximus in Titulo de Feria & Vigiliis.

Quando autem dicendum sit hic Hymnus
Gloria in excelsis, quando non, in Missis Vi
tatis, tradit Gavantus hoc tit. ad n. 4. &
satis superque diximus in Observationibus,
& Additionibus ad easdem Missas Vi
tatis.

Novæ Observationes, & Additiones ad Gavanti

Tit. IX. De Orationibus.

I. Rubr. n. 1. pag. 20. Nisi facienda sit
aliqua Commemoratio &c.) De Com
memoria in omnibus faciendis in Duplicibus
primis, & secundis Classis jam eginus su
pra in titulo de Commemorationibus. Nuno
se fere occasio tradendi aliqua de Com
memorationibus, seu Orationibus dicendis
in Festis Duplicibus majoribus, & minoribus.
I. igitur dicimus, quod omnes illæ
Commemoraciones, & eodem ordine, quæ
facienda sunt in Duplicibus primis & secun
dis Classis, debent fieri à fortiori, etiam in
Duplicibus majoribus, & minoribus. So
lum hic advertimus, quod si occurrant duo
dies infra duas Octavas cum aliqua Dominica,
in aliquo Festo Duplici; prima Oratione
est dicenda de dicto Festo Duplici, secunda
de Dominica, tertia de Octava digniori,
& quarta de Octava minus digna. II.
advertisimus, quod in his Duplicibus
sunt solite Commemoraciones de Fetiis ma

joribus Adventus, Quadragesimæ, quatuor
Temporum. III. debet fieri Commemo
ratio de Simplici Festo occurrente. Ulti
loco dicitur Oratione imperata à Summo Pa
tifice, vel Episcopo. Advertisimus tamen
cum Visitatore, quod non sunt laudandi illi
qui in Festis Duplicibus solent addere Ora
tionem pro infirmis, navigantibus &c. si
pro aliis privatis necessitatibus: consilium
enim, qui Rubricas observare volunt, si
ciet, si omissis hujusmodi Orationibus, de
votioni, vel occurrentibus necessitatibus
ipso Sacrificio, quod offertur, necnon inter
actu mentis in ipso Memento, satisfacere fin
deat. Gerlacus Visitator p. 1. sit. 9. in adv. 3. 11.

II. Gavant. post Rubr. n. 2. pag. 20. col.
Tertia vero additur &c.) In Missa de Fe
sti Semiduplici, si nulla alia est facienda Co
memoratio, dicuntur ultra Orationem Feli
aliae duæ Orationes &c. prout declarat G
avantus, & juxta temporum rationem,

habetur in Missali. Cæterum in Semiduplicibus potest contingere, quod debeant dici etiam quatuor, vel quinque Orationes: nec ulla urget necessitas, quod si dicantur quatuor, debeat semper dici quinta Oratio; ita ut semper Orationes debeant esse numero impares, nempe tres, vel quinque, vel septem &c. & hoc est jam declaratum à S. R. C. in suo Decreto diei 2. Decembris 1684. & in nostro Indice dato sub num. 476. in quo habetur.

Non est omitienda una ex assignatis Orationibus in Milla, veluti tertia *A cunctis*, si secunda esset de Festo Simplici; ut ejus loco dicatur Oratio, veluti *Deus Refugium*: sed post tertiam Orationem *A cunctis*, potest & imperata dici, cum in Milla de Semiduplici, & Simplici, vel Votiva, non sint necessariò dicenda Collectæ impares, putatres, quinque, vel septem.

Hoc confirmatur etiam ex Decreto subsequenti S. R. C. sub die 17. Augusti 1709. & dato in Appendice nostri Indicis, nimirum.

In iis diebus, quando 3. Oratio in Missis est ad libitum, ac ex iussu vel Summi Pontificis, vel Episcopi, in Missis debet apponi aliqua specialis Oratio pro publica indigenzia, non debet pratermitti 3. ad libitum, ut loco illius dicatur alia imperata; sed debet utraque dici, & 3. quæ est ad libitum Sacerdotis, & 4. imperata, vel contra Turcas, vel ad petendam pluviam, &c.

III. Gavant, post Rubr. n. 2. pag. 20. col. 2. *A cunctis*, in qua continetur, &c.) Litera N. quæ habetur in Oratione *A cunctis*, exigit expressionem nominis Patroni, seu Titularis Ecclesiæ, ubi Milla celebratur: aliquando additur nomen familie, vel etiam nomen ab aliquo casu, aut alio modo, v. gr. Petri Celestini, Johannis Chrysostomi: nunquam vero additur nomen loci, de quo est Sanctus Titularis; sic nunquam dicitur Johannis Damasceni, aut Gregorii Nazianzeni: quod in Officio, & in Milla servari debet: & licet sit expressum in Calendario, ut v. gr.

Gavant. Rubr. Miss.

Borromai 3. non tamen dici debet in Oratione, nisi sit etiam expressum. Baudry part. 3. tit. 9. de Orationibus n. 1. & Gerlacus Vinitor part. 1. tit. 9. de Orationibus in ador. §. 5.

Et hæc omnia confirmata remanent ex Decreto S. R. C. 22. Decembris 1624. & in nostro Indice sub n. 196. in quo habetur -- Dum Regularis Ordinis Minimorum in Orationibus, versiculis, cæterisque actibus inter Divina Officia occurrentibus, S. Franciscum prefatam Ordinis Fundatorem nominant, non debent adjungere ly de Paula -- Huc etiam facit sequens Decretum conforme Rubricæ positæ in Missali post Orationem *A cunctis*.

In Oratione *A cunctis*, nomina Patronorum S. Michaëlis Archangeli, & S. Johannis Baptiste præponenda sunt Apostolis -- Ita habetur in Decreto sub die 22. Augusti 1620. & in nostro Indice sub n. 179.

Ex quo autem in Decreto recentissime vulgato à Benedicte XIII. die 19. Decembris 1726. & in nostro Indice sub n. 650: nomen S. Joseph in Litariis Sanctorum collocandum sit ante nomina Apostolorum, inferendum est, quod in Oratione *A cunctis*, si S. Joseph esset Patronus, seu Titularis Ecclesiæ, ejus nomen præponendum esset dictis Apostolis. Quod si plures fuerint alicujus Ecclesiæ Titulares, vel Patroni, considerandum est, utrum sint juncti simul per se, & per modum unius, ut sunt v. g. SS. Gervasius, & Protasius, SS. Johannes, & Paulus; vel utrum sint uniti per accidens, ut sunt SS. Blasius, & Carolus. Si primum, ambo sunt nominandi simul, quia se habent per modum unius: si secundum, is tantum nominandus est in Oratione *A cunctis*, qui principalis consideratur, aut de cuius nomine Ecclesia nuncupatur. Ita Guyetus lib. 3. cap. 29, quest. 7.

Utrum autem à Regularibus in Oratione *A cunctis*, nominandus sit Patronus sui Ordinis ultra Titularem Ecclesiæ; Guyetus loc. cit. improbat illos, qui omisso Titulari Ecclesiæ, solum nominant Patronum sui Ordinis;

R

nis;

nis; non improbat tamen illos Regulares, qui omittunt nominare dictum sui Ordinis Patronum. Verum non negat, quin possint uterque nominari, nempe & Titularis Ecclesie, & Patronus Ordinis. Quis autem eorum præponendus sit ceteris paribus, hoc dependet à quæstione, quam tractabimus in Rubricis spectantibus ad Breviarium, nempe ejus Commemoratio præponenda sit, quando siant Commemorationes, seu Suffragia Sanctorum.

Denique si Ecclesia, in qua celebratur Missa, sit dicata Sanctissimæ Trinitati, Sanctissimo Salvatori, vel alicui Sancto ex nominatis jam in Oratione *A cunctis*; tunc loco nominandi in illa litera N. Sanctum Titulariem, ne is iterum repetatur, potest exprimi nomen alterius Sancti, cuius præcipua memoria, vel insignis Reliquia habetur in dicta Ecclesia. Si verò non sit aliquis ejusmodi, tunc nominari potest alius Sanctus pro arbitrio, & devotione Sacerdotis celebrantis. Ita Guyetus *loc. cit.*

Supereft nunc, ut hoc loco tradantur sequentia Decreta, que ultra superius data, spectant pariter ad Orationes dicendas in Milla Festi Semiduplicis.

In Milla Privata de Festo Semiduplici, &c. potest in penultimo loco dici Collecta pro particulari Defuncto, putè *Inclina*, vel *Deus, qui nos* &c. sed ob id non est omittenda ulla ex assignatis Collectis pro tempore assignatis, putè *A cunctis*, vel *Ecclesia*. S. R. C. 2. Decembri 1684. & in nostro Indice sub n. 473.

In Collecta, vel Milla contra Paganos non potest mutari nomen Paganorum, dicendo Turcarum. S. R. C. 30. Julii 1689. & in nostro Indice sub n. 491.

IV. Gavant, post Rubr. num. 3. pag. 20. col. 2. *Etiam translatum, &c.* Si præfatum Festum Purificationis transferatur, non erit continuanda supradicta Oratio *Deus, qui Salvus* usque dum factum sit Purificationis Officium, ut vult Gavantus *hec loco*: sed in Feste Semiduplici secunda Oratio tunc erit *A*

cunctis, tertia ad Libitum usque ad Feria 4. Cinerum. Ita Halden part. 2. lit. 2. § 2. col. 1. quod etiam declaravit S. R. seqenti Decreto, nimirum.

Quæstum fuit, an, cum ex Decreto R. C. 2. Julii 1681. edito, dicenda sit in tiphona Beatissimæ Virginis *Ave Reginae* lorum cum *¶ Digna e me,* in fine Compotorii, die secunda Februarii, licet transatur Officium Purificationis, dici debet in suffragiis (quando fit de Officio Semiduplici, vel Simplici, &c.) *¶ Ora pro* *Sancta Dei Genitrix*, cum Oratione *Conges famulos, &c.* & in Milla, secunda Officio *A cunctis*, tertia ad libitum: & S. R. affirmativè respondit, die 14. Febr. 1701 & hoc Decretum datus in nostro Indice num. 588.

V. Gavant, post Rubr. n. 4. pag. 20. 1. *Secunda de Feria 4.* In predicto casu, mirum à Feria 4. Cinerum usque ad Dominicam Passionis exclusivè, in Milla de Festo Semiduplici, verissimum est, quòd secundum Oratio erit de Feria; quæ nunquam omititur, etiamsi alia Commemorationes effacienda; sicut etiam observatur tempore Adventus; & tertia Oratio in Quadragesima erit *A cunctis*: sed in Adventu, ca non dicantur suffragia Sanctorum in Officio loco Orationis *A cunctis*, tertia Oratio *Deus, qui de B. Maria, &c.* & hac non debet locum, si aliqua alia occurret Commemoratio facienda. Billus tom. 2. lit. 0. 72. § 12.

Hoc loco dandum est sequens S. R. C. Decretum spectans ad Ferias 2. Quadragesima.

Quæstum fuit, an occurrente Commemoratione Sancti Simplicis, in Feria 2. Quadragesima, quando dictum est Nocturnum Defunctorum, debeat in Milla quarto loco dici Oratio *Omnipotens semperne Deus, qui vivorum, &c.* pro Commemoratione Defunctorum? & S. R. C. respondit, sufficere tertiam Orationem *A cunctis*: quòd si dicatur

quarta *Omnipotens*, quinta erit ad libitum.
Ita die 4. Maii 1709. in Pistorien. ad primum
dubium: & datur in nostro Indice sub n. 613.

Procedimus ad exhibendum hoc loco,
etiam aliud sequens Decretum, quod juvare
poterit pro explanatione subsequentis Ru-
bricae.

Secundò quæsumus fuit, occurrente dicto
caſu Feria 2. post Dominicam Passionis, quan-
do pariter dictum est Nocturnum Defunctorum;
quot, & qua Orationes dicenda sint
in Missa? Et S. R. C. respondit, dicendam
est secundam Orationem de Simplici, non
vero aliam: eadem die 4. Maii 1709. & in
nostro Indice sub n. 614.

VI. Gavant. post Rubr. n. 5. pag. 20. col.
1. Quod si hoc tempore cantandæ sint dua Miſ-
ſe, de Festo, & de Feria, &c.) Disponit Ru-
brica n. 5. quod in Festis Semiduplicibus
occurentibus in Feriis à Dominica Passionis
usque ad Dominicam Palmarum, in Missa
tres dici debent Orationes, prima de Festo,
secunda de Feria, & tertia Ecclesiæ, vel pro
Papa. Verum optimè notat Gavantus hic,
quod si prædicto tempore cantandæ sint dua
Missa, una de Festo, & altera de Feria, ut
revera cantantur in Ecclesiæ Cathedralibus,
& Collegiatis, & aliis etiam Regulariis;
tunc in Missa de Festo Semiduplici, secunda
Oratio erit Ecclesiæ, vel pro Papa, quin di-
cetur tertia Oratio: sed non progreditur ad
explicandum, quot in altera Missa Conven-
tuali de Feria dicenda sint Orationes. Hal-
den in suo Ephemerologio Ecclesiastico part.
1. tit. 18. adnotat, quod si cum Festo Semi-
duplici occurrat Festum Simplex; tunc in
prima Missa Conventuali, quæ erit de dicto
Festo, secunda Oratio erit de Festo Simplici
occurrente tantum, omilla tertia Oratione
Ecclesiæ, vel pro Papa: si vero non occurrat
Festum Simplex, secunda Oratio in ejusmo-
di Missa Conventuali festiva, erit Ecclesiæ,
vel pro Papa tantum: in neutro enim caſu,
tunc addenda est tertia Oratio in ea Missa.
In Missa vero Conventuali altera, quæ dici-

tur de Feria, Oratio secunda erit Ecclesiæ,
vel pro Papa tantum: non enim in ea fieri
debet Commemoratio ullius Festi die illo
occurrentis. Hac ex Halden loc. cit. cui
adderem, quod si in prima Missa ex dictis
duabus Conventualibus jam dicta esset Ora-
tio Ecclesiæ tecundo loco, nullo occurrente
Festo Simplici; tunc in secunda ex dictis Mis-
sa congruum fore dicere secundo loco aliam
Orationem pro Papa. Ex hucusque dictis
colligitur, quod in Missa Conventuali Festi
Semiduplicis occurrentis in Feriis Quadrage-
simæ ante Dominicam Passionis, dicenda
sunt tres Orationes, prima de Festo; secun-
da vero, & tertia eadem, quæ assignantur
in Missa de Feria, de qua non fit Comme-
moratio in predicta Missa Conventuali, ut
notum est omnibus; nec minuitur numerus
Orationum; ut notat noster Gavantus part.
4. tit. 15. n. 4.

Resumendo nunc sermonem de prædicto
Festo Semiduplici occurrente à Dominica
Passionis usque ad Dominicam Palmarum,
& de Missa Privata ejusdem Festi; certissi-
mum est ex dispositione superioris Rubricæ,
tres debere dici Orationes, primam de eo-
dem Festo, secundam de Feria, tertiam Ec-
clesiæ, vel pro Papa; quamvis in Missis de
tempore, & de Feriis, quæ occurrent à Do-
minica Passionis usque ad Feriam quintam
in Cœna Domini, duæ tantum præscriban-
tur Orationes dicenda, prima de Feria, se-
cunda vero Ecclesiæ, vel pro Papa. Quibus
positis, gravis oritur controversia inter Ru-
bricarum explanatores, utrum occurrente
dictis diebus ferialibus, nimirum à Do-
minica Passionis usque ad Dominicam Palma-
rum, aliquo Festo Simplici, debeant dici
duæ Orationes tantum, nimirum de Feria,
& de Festo Simplici; vel utrum debeat ad-
di tertia Oratio, nimirum Ecclesiæ, vel pro
Papa. Dubium hoc oritur ex verbis Rubri-
cae appositorum in Missa Dominicæ Passionis,
ubi legitur -- Ab hac die usque ad Feriam
quintam in Cœna Domini post Orationem dici

dicuntur, vel contra Persecutores Ecclesie, Oratio Ecclesie tuæ, &c. vel pro Papa Deus omnium Fidelium; deinde subnecatur: Non dicitur terza Oratio. Noster Gavantus in suis Commentariis ad Rubricam num. 8. docet, quod si in predictis diebus occurrat Commemoratio de Simplici, omitti omnino debeat terza Oratio; & quod dicantur tantum duas Orationes ad finem Rubrica; ut ipse ait. Verum contra Gavantum insurgit Guyetus lib. 4. cap. 18. quest. 28 ubi validis profectis rationum momentis refellere conatur Gavanti sententiam, quam Rubrica in primis, deinde & ratione planè esse contraria, luce clarius demonstrare contendit: & quia eadem quæstio procedit etiam de Festo Simplici occurrente in Feriis infra Octavas Paschæ, & Pentecostes, à quarum Missis Gavantus pariter tertiam Orationem excludit; hinc Guyetus profert in primis, ad eum confutandum, texus omnes Rubricarum, quibus Gavantus suam adstruit assertionem; à quibus referendis nos abstinemus, curiosus enim lector facile prefatum Auctorem adire potest. Non omittam tamen adducere postremum, quod ipse putat validissimum argumentum, quo utitur ad suam comprobandam sententiam, nimirum: Orationum in Festis Semiduplicibus per omnino est, idemque numerus, ac Dominicarum, seu Feriarum temporis, in quo occurunt; ut constat ex tota Rubrica 9. de Orationibus. Si ergo in hebdomada Passionis duas, ut ait Gavantus, tantum sunt Orationes; quare tres ponuntur in Semiduplicibus infra illam occurribus? sic enim habet Rubrica n. 5. in Semiduplicibus à Domina Paſſionis, &c. An non, si privilegium est illius temporis, ut duas tantum habeantur Orationes, transire aquæ debet ad Festum Semiduplex in eo occurrens, atque omissione suffragiorum in Adventu transit ad Semiduplex illo tempore occurrens? Imò vero adhuc nobilis est Semiduplex, quam talis Feria, siquidem ipsi prefertur, & tamen huic

negatur à Gavanto tercia Oratio, quam Rubrica expresse illi concedit. Hoc argumento veluti telo putat Guyetus confondere Gavantum: verum quia hoc argumentum nimis probat, nihil mihi videatur probare contra Gavanti sententiam: nam ex quo Semiduplex sit nobilis Feria, & ex quo in predictis tres Orationes in Missa, juxta dispositionem superioris Rubricæ; non solum evinceretur, esse dicendam tertiam Orationem in Missa Feria, occurrente Festo Simplici, sed etiam non occurrente tali Festa, cum non deceat Festum nobilis Feria habere plures Orationes in sua Missa, quia habeantur in Missa Feria. Potius igit suadent alias rationes à Guyeto adductæ: si super hac re nullam audeo proferre sententiam, quoque à S. R. C. decidatur hoc dictum valde controversum inter Rubricam in Urbe degentes. Si aliquod igitur, spero, Decretum decisum emanabit (ut pauca jam edita, quæ adhuc apparent vallo obscura) dum hoc opus sub prelo est; & illo mentionem faciam in altera parte hujus tomii, ubi sermo fieri de Dominicâ, & hebdomada Passionis, necnon Paschæ, & Pentecostes.

VII. Gavant. post Rubr. num. 8. pag. 21 col. 2. Si in predictis occurrat Commemoratio de Sancto Simplici, non dicitur terza Oratio. Sustinet hic Gavantus, ut mox exposuimus, quod in predictis Feriis à Dominicâ Palmæ usque ad Dominicam Palmarum, & infra Octavas Paschæ, & Pentecostes, si occurrat aliquod Festum Simplex, de eo fieri quidem debet Commemoratio in Missa; sed præter hanc Orationem non esse addendum teriam, nimirum &c. vel pro Papa; sed iterum dico: Guyetus super laudatus hoc, acerrimè tenet, in predicto casu Festi Simplicis dicendam esse tertiam Orationem Ecclesiæ vel pro Papa; & hoc colligere dicit ex verbis Rubricæ Missalis in Missa Feria & post Pascha, ubi habetur. — Ab hac die usque ad Sabbathum in Albis in lusivæ, post Orati-

nem diei, dicitur una ex sequentibus Orationibus tantum, nisi facienda sit aliqua Commemoratio Festi Simplicis occurrentis. Ex qua particula Nisi deducit Guyetus exceptionem ejusdem Rubricae, nimurum esse quidem dicendas duas Orationes tantum, sed nisi occurrat Festum Simplex, de quo debeat fieri Commemoratio; in quo casu non duæ, sed tres, dicit ipse, dicendæ sunt Orationes; sed super hac questione alibi mentem nostram aperiemus, ut suprà innuimus.

VIII. Rubr. n. 9. pag. 21. *Infra alias Octavas, &c.*) Nempe præter Octavam Paschæ, & Pentecostes, secunda Oratio dicitur de S. Maria; tertia Ecclesiæ, vel pro Papa: tunc enim non dicitur Oratio *A cunctis*, quia neque in Officio fuit Commemorationes Sanctorum, quibus predicta Oratio correspondet. Cur autem non dicitur Oratio *A cunctis* in Vigiliis, in quibus fuit Commemorationes Sanctorum, ratio esse potest, quia in Vigiliis solent Fideles ferventius orare, mente per jejunium elevata: & idèo in Missa prescribuntur Orationes dicenda de S. Maria, & pro Ecclesia, quæ magis fovent devotionem, & pietatem.

IX. Gavant. pag. 21. col. 2. lit. e *Secunda de Spiritu Sancto.*) In diebus vero infra Octavas S. Mariæ, prima Oratio est propria ejusdem; secunda de Spiritu Sancto, quæ semper dicitur in supradictis Missis Beatae Mariæ; quia ipsa est Sacramentum, & singulare habitaculum Spiritus Sancti. Quarti part. 1. iii. 9. n. 9. Reliqua patent ex Commentariis nostri Gavanti.

X. Rubric. n. 10. pag. 21. *Dicuntur duas Orationes, &c.*) Traditur in hac Rubrica Regula dicendi duas Orationes in Dominicis infra aliquam Octavam; & nihilominus non excluditur tertia Oratio, si occurrat Festum Simplex: unde semper etiam ex hac Rubrica magis, magisque confirmare contendit suam sententiam Guyetus, quod infra Octavas Paschæ, & Pentecostes debeat pariter

dici tertia Oratio, si occurrat Festum Simplex. Imò reperio in superiori Rubrica, quando fit sermo de die Octavæ, eundem modum loquendi ac in Rubrica, qua habetur in Feria 4. post Pascha: nimurum prescribitur in superiori Rubrica: *Et in die Octava dicitur una tantum Oratio, nisi facienda sit aliqua Commemoratio;* ex quo modo loquendi clarè exprimitur, quod occurrente aliqua Commemoratione debeant dici duæ Orationes, una de die Octava, altera de Festo Simplici, vel alio, de quo debeat fieri Commemoratio. Quapropter cum haberant eadem particula *Tantum, & Nisi* in superiori Rubrica de Octava, qua habentur etiam in Feria 4. post Pascha; hinc colligi potest, illas particulas non excludere secundam, vel tertiam respectivè Orationem, si occurrat Festum Simplex: nihilominus lectorem remittimus ad ea, quæ dicemus locis suprà citatis super dicta controversia.

XI. Gavant. post Rubr. n. 12. pag. 22. col. 1. *Plures tribus non dicuntur in Semiduplicibus. &c.*) Hujusmodi Orationum, quæ etiam Collectæ appellantur, quia dicebantur, quando Populus congregabatur in Ecclesiis ad eas dicendas, juxta antiquam Ecclesiæ Romanæ constitutinæ, una tantum dicebatur; sicut unus dicebatur Introitus, unica legebatur Epitola, & unicum Evangelium; ut referunt Innocentius III. lib. 1. cap. 27. & Radulphus Tungrensis propos. 23. Verum idem Innocentius, necnon Micrologus cap. 4. afferunt, quod suo tempore dicebantur semper tres, aut quinque, aut septem Collectæ in honorem SS. Trinitatis, vel Resurrectionis J. C. vel in Commemorationem quinque plagarum Christi Domini; & septem, ad obtainenda septem dona Spiritus Sancti. Sanctus Carolus etiam in primo Mediolanensi Concilio prohibet: *Ne plures tribus, vel ad summum quinque Orationes . . . dicit possint, nisi ubi Ecclesia institutum aliud postulet: & in suis instructionibus pro Missæ celebratione, statuit, ut cum plures sunt*

R. 3 Ora-

Orationes, aut Collectæ, numero dispari recitentur, & septem non excedant. Porro hæc Orationum multiplicatio in Monasteriis ceperisse videtur: etenim in Concilio Matficonensi, Anno 627. celebrato, Agrestinus Monachus Luxoviensis, Sancti Columbani Regulam superstitionis accusans, inter cetera, quæ viro Sanctissimo objecit, unum erat, quod Missarum Sollemnia contra institutum Ecclesiæ morem multiplicatione Collectarum celebraret. Agrestinum tamen confutavit ejusdem Monasterii Abbas Eustatius his verbis, in eodem Concilio relatius:

Multiplicationem Orationum in Sacris Officiis omnibus profere Ecclesiis: quia dum plus Dominus queritur, p'is invenitur; & cum ubi Oratione pulsatur, eo c'isus exaudi: e probatur.

Circa numerum talium Orationum in Missis dicendarum, debent in præsentiarum à nobis exactè servari regule à Rubricis, & à S. R. C. præscriptæ, inter quas habetur, quid in Dominicis per Annum in Feltis Simplicibus, & Feriis, non dicantur minus quam tres Orationes, sicut in Semiduplicibus; in quibus, ut notat Gavantus, non debent dici plures, nisi facienda sit aliqua Commemoratio. Unde in Semiduplicibus non potest augeri numerus Orationum ad libitum Celebrantis; quinque tamen, aut septem, ait Turrinus *part. 2. sect. 2. cap. 2.* possunt dici in Simplicibus, & Feriis; non quatuor, aut sex, nisi ubi numerum tales exigenter Commemorations. Non est igitur præscriptum à Rubricis, quod semper in Semiduplicibus, Simplicibus, & Feriis, Orationes, quæ dicuntur in Missa, debeant esse impares numero: & hoc declaratum est à S. R. C. 2. Decembri 1684. in Decreto dato in nostro Indice sub n. 476. ut supra etiam de hoc locuti sumus.

Præterire non debemus, prædictas Orationes collocandas esse, servata earum dignitate, ut præscribit Rubrica; & ex solo Missali esse desumendas, videlicet, aut de tem-

pore, aut de proprio Sanctorum, aut de Communis, aut ex Orationibus diversis pro Missis Votivas; non ex aliis libris: quia si quidem aliquando ad arbitrium Celebrantis quoad numerum, non quoad acceptioem, quia nunquam potest Sacerdos eas depromere, unde maluerit, sed ex Missali tantum ut colligitur ex iit. 7. bujus prima pars n. 1.

XII. Post Commentar. Gavanti ad Rubr. n. 14. p. 22.) Nonnulla esent hic addenda Gavanti Commentario: sed quia ea, qui spectant ad Missas Votivas, omnia tradidimus, & quidem fuisse, in nostris Additionibus & Observationibus ad Commentaria Gavanti in titulum, seu Rubricam quartam primi partis, quæ est de Missis Votivas; idcirco videantur quæ superiori dicto loco à nobis addita sunt.

XIII. Gavant. post Rubr. n. 17. pag. 1 col. 1. lit. i. *Et tunc conclusio fit hoc missum Per Dominum nostrum JEsum Christum.* Haec Orationum clausula vetustissima est, & in Seculo VI. à tota Africana Ecclesia usurpabatur: etenim S. Fulgentius in Epist. ad Prærandum Diaconum hæc habet: *In Orationibus Sacerdotum: per JEsum Christum Filium tuum Dominum nostrum, qui tecum vivit, & regnat in unitate spiritus Sancti: per universas Africas Regiones Catholica d'cere consuevit esse clefsa.* Dicimus autem, Per Dominum nostrum JEsum Christum Filium tuum; ut fecimus, nos per Filium accipere, quidquid nobis datur à Patre; & ut pareamus Christi jubenti in Evangelio Johannis cap. 15. *Quod cunque petieritis Patrem in nomine meo, dabo vobis.* Hinc celebris illa Optati Milevitana Sententia adversus Donatistas lib. 3. *Pagau vocas eum, qui Deum Patrem per Filium tuum ante Aram rogaverit.* Placet referre observationem Micrologi cap. 6. qui contendit, conclusionem hanc ita exprimendam esse. *Per Dominum nostrum JEsum Christum, qui tecum vivit, & regnat Deus: & postpositum hujs vocis Deus, his verbis spiritus Sancti, tunc fuisse recentem.* *Sciendum, quod*

quit, in illa usitata conclusione Per Dominum nostrum, quod Romanus Ordo, & antiquissima exemplaria nomen Dei inserunt, ubi dicitur: qui tecum vivit, & regnat Deus. Quod ramen Moderni post nomen Spiritus Sancti subiungere solent: & hac usque consuetudo etiam apud Romanos usquequa adeo invaluit, ut antiqua traditionis exercitio jam non sine scandalo locum habere possit. Hac Micrologus, cuius acrimoniam censuram probare non possum: sive enim postponatur, sive preferatur nomen Deus, nequam conclusionis sensus levilla mutatione corrumperit, nec ullum scandalum parere potest. Certè etiam nunc Ecclesia Romana modum à Micrologo reprehensum observat: & nescio, an præter Ambrosianam Ecclesiam, antiquior ille modus alibi observetur.

XIV. Gavant. pag. 24. col. 1. lit. i Reliqui conclusionum modi per se parent.) Ut breviter exponamus modum concludendi Orationes, advertimus cum Gavanto, Bischof lit. C. n. 410. §. 3. Hippolyto à Portu de Cultu Dei, & hominum adiit. §. Rubr. i. in suis adnot. num. 19. advertimus, inquam, quod in Oratione ad Patrem directa, si nominetur Filius, dicitur in conclusione Orationis: Per eundem Dominum, nisi nominetur in fine Orationis; siquidem tunc dicitur Qui tecum, &c. si nominetur Spiritus Sanctus in Oratione, dicimus: In unitate ejusdem Spiritus Sancti Deus, etiam si nominetur in medio aliquis Orationis. Addit Bisius loc. cit. quod si continget, ut duas, vel plures Orationes essent unica conclusione terminanda; tunc in conclusione sit dicendum In unitate ejusdem Spiritus Sancti Deus, &c. licet Spiritus Sanctus non esset nominatus in ultima Oratione, sed in alia antecedenti: pro qua re affert exemplum Missæ pro gratiarum actione; in qua dicuntur duas Orationes sub una conclusione terminata; & in hac conclusione dicitur In unitate ejusdem Spiritus Sancti Deus &c. licet Spiritus Sanctus nomi-

netur tantum in prima Oratione; huic tamen Sententia Bisii obstare videtur Decretum allatum in nostro Indice sub n. 695.

XV. Gavant. pag. 24. col. 1. lit. i Si ad Trinitatem dirigatur Oratio.) Quamvis Gavantus dicat, terminandam esse Orationem Qui vivis, & regnas, &c. nihilominus Bisius suprà §. 6. adverbit, esse attendendum modum, quo Personæ in illa Oratione nominantur, & ita dicendum: Per eandem Dominum nostrum, &c. In unitate ejusdem Spiritus Sancti, &c. vel Per Christum, &c. Exemplum adducit illius Orationis Suscipe Sancta Trinitas, quam lotis manibus dicit Celebrans in Missa; in qua, quia peculiariter exprimitur nomen Filii, concluditur Per eundem Dominum nostrum. In alia vero Oratione, quam Celebrans dicit, dicto Ite Missa est, nempe Placeat Sancta Trinitas; quia nulla Persona specialiter exprimitur, idcirco concluditur Per Christum Dominum nostrum.

XVI. Gavant. pag. 24. col. 2. lit. i Additur Amen in fine.) De hac voce Amen, quæ dicitur in fine Orationis, nisi aliter prescribatur à Rubrica, eruditæ discurrunt Card. Boni lib. 2. cap. 5. n. 6. Grancolas Tract. de Missa p. g. 36. sicut etiam in lib. de antiqua Liturg. ubi pariter agit de Collectis, & Orationibus, quæ in Missa dicuntur. Ita etiam de predicto verbo Amen, tractat Bisius lit. A. n. 310. §. 1. ubi assertit, hoc verbum dicit in fine Orationis ex Decreto Anacleti Papæ; ut refert Hugo Victorinus lib. 2. cap. 11. Verò id prædicto Anacleto confirmante, non verò primum statuente: nam de hujus vocis usu post Orationem loquitur Apostolus 1. ad Corinthios cap. 14. Videri etiam poterunt antiquissimi PP. Justinus apologet. 2. Dionysius Alex. Epist. ad Sixtum, apud Euseb. Cyril. Hierofol. Catech. §. mystag. Hieronymus in præf. lib. 2. Commem. in epist. ad Galat. Aug. lib. 2. contra epist. Parmeniani cap. 7.

Novæ